

آبونه شرائطی

داخلی ، خارجی هریر ایچون
سنه لکی (۲۵۰) ، آلتی آیلق
(۱۳۰) غروشدر.

[نسخہ سی ۵ غروش ،
سنه لکی ۵۲ نسخہ در .]

اداره خانه

باب عالی جاده سنده دائره مخصوصه

اخطارات

آبونه بدلی پشیندر

مسلكه موافق آثار مع الممنونیه
قبول اولنور . درج ایدله یین
یازیلر اعاده اولوغاز .

تشریح

دینی ، فلسفی ، علمی ، ادبی هفته لق مجموعه اسلامیه در

والله یهدی من یشاء الی صراط مستقیم

باش محرر
محمد عاکف

صاحب و مدیر مسئول
اشرف ادیب

اتبعون اهدکم سبیل الرشاد

عدد : ۳۸۱

۳۰ صفر ۱۳۳۷

پنجشنبه

۵ تشرین ثانی ۱۳۳۴

جلد ۱۵

قورتارمقده اولدیغنی کوسترمک ایچون صوک نسخه سنده کی باش
مقاله سنک بعض فقره لرینی نقل ایدیورز :

یأس ، بدینک

« آرزو ایتدیکمز صلح و سکونه آرتیق قاووشوبورز . فقط
هیجا روحلیمزده بوتون اراده مری صارصان یکی ودائی | بردشمانی
کیله مهیه باشلا دیغمزک فرقدیمی یز ؟ اویله بردشمان ، که هیمزک
جوهرینی احایتمه سندن جدا قورتولاییلیر . احوال قارشیسنده هرکس
کندی بومانسز دوشمانه تسلیم ایدیورمکدن قورتارامیور ، که اوده
(یأس و بدینی) در ! در ! آدم اولما یز . نه یایسحق نافله ! ،
دیهرک کندی قویوب صالیوریور .

واقعا بکن پارلاق کونلیمزده باقاراق سلطان عثمان ، فاتح ، یاوز
وقاوتیلرک قافقاسلردن آطلاسلره ، ویا نه ولهستاندن عمان و سودانلره
قادر قوردقلری سلطنت تولکهنک شانلی خریطه سیله دورت عصر
صوکره ، بوکون مملکتیمزک آلدینی ومع التأسف آلاجنی شکلره
کوزکزدیرمن هر مسلمانک وطن اندیشه سی ، آجیسی ایله یوره کنک
چارناماسی ، قلبک قاناماماسی قابل دکلدر . اسلام عالمک الک بویوک
دشمانی اولان اوروپالیلردن بعضیلری اوچ عصر ایچنده تدریجاً قوباره
قوباره (قافقاسیه ، قریم ، بحارستان ، رومانی ، صربستان ، قره طاغ ،
بولغارستان) کیی کشورلری تولکهنزدن آیردیلر : اون سنه لک
مشروطیت حیامزده سورمه کلی تهدیدلر و حربلره (بوسنه هر سک ،
کرید ، آطهر ، رومانی ، طرابلس غرب و بنغازی) کیی مملکتلری میزی
آلدیلر . اومت ، تاریخ و خریطه قارشیسنده نه قادر دوشونسه ک ،
متاثر اولسه ق آله یریدر : (۴۰۰) سنه دن بری هپ ویریورز ، آدیغمز
یوق ! مملکت کوچولکجه اداره سنده بنه عین عجز و مشکلات ایچریسنده
قالیورز . دورت عصر دن بری بیلکیسنزلک و اخلاقسنزلق کیی ایکی
فنا آرقاداش دائمی بزی کورو یور . بناء علیه بو اندیشه و تأثیرلر ایچنده
متاثر اولماق ، چیرینماق قابل دکلدر .

فقط بو تأثیر بزی هیچ بر زمان یأس و بدینی دریاسنده بو غامماق
لازمدر . عصرلرک اوزریمزده چو کدردیکی فلاکتلر عبرت درسی
ویره رک ، بزی یاشامق املندن اوزاقلادیر ماملی در . فلاکتلر بعض
ملتلری باتیریر ، بعضیلرینه یوزه چیقاریر ؛ اوفلاکتلردن عبرت
آلانلر ، حاللرینه ، کیدیشلرینه بر صلاح ، بر دوزن ویره نلر ،
آدیملرینی جسور و فقط دوشونه رک آتالردر .

برجوق مللر واردر ، که تاریخده بک الیم فلاکتلر قارشیسنده
قالمشلردر . باشقلرینه نه حاجت ؟ بز کندیمیزی آزمی فلاکتلر ،
تجربهلر کوردک ؟ .. مثلاً عباسیلرک صوک زمانلرینده مسلمانلر بک
قوتسز ایدی : هر طرفده (طوائف ملوک) تورمه مشدی . خلیفه لر

سندن محروم براققده اولدیغنی ایلری سورمه رک دین مینه قارش
زباندرالغه جرأت ایده بیلمیری ؟

بو مقوله انصافسزلر نه دیرلرسه دیسونلر دین یسر و سهوات
اولان اسلام ازدواجدن مقصد حسن معاشرت ، رفاه معیشت ،
حیاتک لذایذ و آلامنه متساویاً اشتراک شرطیله محبت متقابله دن عبارت
اولدیغنی نظر دقته آلمش و بو مقصدی تأمین ایچون طبایع بشره
عقل سلیمه صوک درجه ملائم قواعد و احکام وضع ایتشدیر . ایشته
اسلامک ادیان سائرمن مدار تمایزی بو کی شیلردر .

احمد فؤاد

صوک

سس

بو عنوان ایله بالیکسریده هفته لق بر غزته انتشار ایتیه باشلامشدر .
برقاج نسخه سنک مطالعه سندن اکلاشیلدیغنی اوزره رفیقیمز محیفه لرینی
انتشار ایتدیکی محیطک خصوصی احتیاجلرینه ، محلی شئون و حادثاتنه
حصر ایدرک هر نسخه سنده خلقک اکلایه جنی بر صورتده کوزل
ومفید مقاله لرله اهالی بی تنویر و ارشاد ایدیور . ولایات و سنجاقلرده
انتشار ایدن بر غزته ایچون ناصیل برمسلاک تعقیب ایتک لازم کایرسه
رفیقیمز حقیله اونی ایفایه موفق اولیور . دیگر بعض ولایات غزته
لری یادیغنی کی ، معضل مسائل سیاسی دن باحث باش مقاله لرله ، تحف
تحف فکرلر و مقلد لکلرله قارئلرینی یهوده اشغال ایتیور . هر نسخه سی
محیطک سویه سه کوره برجوق نصیحتلری ، کویلنک حیات اجتماعی سه
عائد بسیط و فقط قیمتدار فکرلری محتوی اوله رق محیطنه حقیقی
رهبرلک ایدیور . « سس » ک مؤسس محترمی بصری بک کی جدا
مسلمان ، خلق ، مقتدر بر صاحب قلمک محصول علم و عرفانی البته
بویله مکمل اولور . دیگر ولایات و سنجاقلرده انتشار ایدن
رفیقلمزک ده بوازی ، بومسلکی تعقیب ایتلری تمی اولنور . بالیکسری
محیطنه دوشن وظیفه ، بو (سس) ی دیکله مک ، اولک اراده ایده جکی
طریق رشاد و صوابدن آریلماقندن عبارتدر .

جناب حق موفق بالحیرایسون ؟ بو « سس » له بوتون او محیطده کی
مسلمانلری اویاندیرسون .

دشمن سسی دویمق ایسته مرسه ک ؛

قاردهش سسیدر اویان بوسیدن .

قالقنجه کورور ، که آقسام اولمش

وقتیله اویانمایان بوسیدن .

رفیق محترمک ناصیل نافع یازیله خلق ضلالتدن یأسیدن

خلاصه : اسلام و عثمانی تاریخچه معروض قالدیغمز بر جوق
فلا کتار هنرم و اراده نك ، چالیشانك سایه سنده ازاله ایدیلش ، بو
دولت و بو اسلام مملکتی بر جوق اوچوروملرن قورتولشدر .
دولتمزك اقبال و سعادتی کوانشی دفعاتله باطریق اوزره ایکن ، الله
عظیم الشان اونی یکیدن پارلامش ، مسلمانلری تولدورمه مشدر .
بناءً علیه (یأس کفر در) اعتقادنده بولونارق ، هنرمکاره اراده لی ،
خلوق اولمای دینك مقتضیاتندن بیلن هر مسلمانك صوك فلا کتار
قارشینده مایوس و بدین اولماسی دکل ، بونلردن عبرت آلارق وار
قوتیله چالیشانسی ، بالخاصه شو صیراده (بیرلیک) دن قطعاً آیریلماسی
و اولور اولماز شایعهلر قارشینده حسیاتیه دکل ، محاکماتیه حرکت
ایتمه سی لازم و بو لزومه دقت اولوندینی صورتده بزمده اسکی مجد
وشو کتمزه عون حقله یکیدن قاووشماز مقدر در .

شئون

الجزیره عشیرتلینك صداقتی

رأس العیندن الجزیره عشایر و عربانی نامنه جبور مشایخندن
محمد السلطان امضاسیله حکومت سنییه رأس العیندن آتیده کی تلغرافنامه
کشیده ایدلشدر :

الجزیره قطعه سنك شماندن جنوب فرات وادیسنه قدر جریان
ایدن حابور نهری وادیسنده کی جبور واونلره ماحق جریان وپکاره
عشائرلی وزور سنجاغیله دیاربکر و موصل ولایتلرینه مربوط جبور
عشایری طرف عاجزییه عائد اولوب بونلردن خارج قالان عشائر
بزمه هم فکر ویکو وجود بولونیور . بو عشیرتلیر یدییوز سنه دن زیاده
دولت علیه عثمانیه نك نان و نعمتیله پرورده اولدقلری جهته عثمانی
حکومتدن غیری بر قوم وملتله برلکلی غیر قابل و محاذیر عیدیه بی
داعیدر . بناءً علیه بویه بر حال وقوعنده استقباللری ظلمت ایچنده
قاله جنی امثاللریله ثابت اولدیفندن شمیدین استقباللرینك تأمین ایدلمسی
ایچون ایجاب ایدن مقاماته عرض اولنق احتیاجی حسن ایدلدیکی
تقدیرده تشبثات لازمه ده بولنق اوزره هر بان نامنه کمال تمناکله اراده
جایله لری منتظر در .

مملکتی محافظه خصوصنده هیچ بر قوت کوسترمه یورلردی . ایشته
بو صیراده ، یعنی بشنچی ، آلتنجی ، یدنجی عصرلرده میلیونلرجه
اهل صلیب اسلام دیارینی چیکنه یه رک ، (آطنه بی ، اورفنی ،
حلبی ، شامی ، قدسی) کاملاً ضبط ایده رک ، قدسده بر (قراللق) ،
اورفنده بر (دوقه لقی) تشکیل و دیگر لرلی قدس قرالیغنه مالکانه
اولارق الحاق ایتدیلر . فقط جناب حق بر (صلاح الدین ایوبی)
میدانه جیقارارق ، بونک غیرتی و حماسی ایله اهل صلیبه بر مقابله
قدرتی یارامش ، اونلری قاجیرمایه ، قدس قرالی (کوئی دولوزینیان) ی
أسیر آلمایه مسلمانلری موفق بویورمشدر . کذلک اخلافی ده مصری
ضبط ایده رک ، تکرار قدسی قورتارمق ایستین فرانسه قرالی متمصب
(طقوزنجی لوتی) بی منصورده أسیر ایتمیه ، اوچ عصر محاربه
سوکنده صلیبیونی مملکتلرینه آلی بوش کونده رمیه موفق اولدیلر .
عثمانی تاریخچه ده بویه مهم مثاللرله دولودر . أز جمله (انقره)
محاربه سندن صو کرا (تیمورلنك) ؛ (مراد خداوندکارك) ک ،
(بیلدریم بایزید) ک قالدیردینی . بکلکلی تکرار احیا ایتمشدی .
بونلرک شپار قققلری آتاسنده بش شهزاده مملکتک چشیدلی یلرلنده
بربرلیله چاریشیور ، (ییزانس) ایمپراطورلری ده ایشه قاریشه رق ،
بکلرله برلکده شهزاده لری بربرینه قارشی حرب ایتدیریور ،
عثمانی حکومتک ییقیلماسنه یاردم ایتمک ایسته یورلردی . تام اون
بر سنه سورهن شهزادگان غائله سی مملکتی پک ضعیف براقشدی .
فقط یته قوجا اللهک لطنی ایله مقدر ، هنرمکاره بدینلکدن آزاده
واراده لی پادشاه (چابی سلطان محمد) بش سنه ایچنده بیلدریم
سلطنتک سونن قدرت و عظمت نورینی یکیدن پارلاتمایه موفق
اولو ویردی ! کذا عزم و اراده سنه ضعیفی ، ملایمکی غلبه ایدن
بایزید ولینک رنکسز زمان سلطنتی قوجه (فاتح) ک پارلاق دورینی
حسرتله آراتدینی کی ، پادشاهلنی زماننده (اسماعیل صفوی) نك
غوزدی ممالک عثمانیه بی استیلا ایتمیه باشلامشدی . صاف بایزید ولی
بونلردن خبرسز ، زهدیله ، تقواییله مشغول اولورکن اداره امور
پک فنا آلرده ایدی . اولادلی آراسنده سلطنتی علیه قیام
چیقماسنه مانع اولامادی ؛ حیاتی قهر عذاب ایچنده کجیدی . فقط
درت شهزاده یسنه مملکتی مجادله لرله خرابه زاره جه ویریرکن ،
هپسنه غلبه ایدن جوانمرد ، تدیرلی ، قوتلی (یاوز) پادشاه ؛
بیلدریم و فاتح دورلرینی کولکده بیراقدی .

کذاروسیه حکومتی (خسته آدم) دیدیکی عثمانی حکومتی
دفن ایتمک حاضر لغنی بابوب ، جهانی علیهمزه صالدرمایه چالیشیرکن
(مصطفی رشید پاشا) و آرقاداشلری اوروپاده سیاحتلر یاپارق لهمزه
قازاندینی کی ، (سیواستپول) سفریله روسیه نك بلینه بویوک برضربه
ایندیرمه و عثمانی حکومتی اوروپا هیئت دولیه سی آراسنه صوقایه
موفق اولمشدی .